

# INUIT ATAQATIGIIT INATSISARTUNI



UPA 2026/17

Ane Hansen

21. april 2026

**Inatsisartut Suleriaasianni § 33 naapertorlugu matumuuna Naalackersuisut aalajangiiffissatut siunnersuut tulliuuttoq saqqummiuppaat. Uunga siunnersuut: Pinerlunnikkut aningaasarsianik malunnarunnaarsaanermut, qunusiarinninnikkullu anguniagaqarnermut pitsaaliuinermut suliniutinut inatsisini assigiinngitsuni inatsisit aalajangersagaannik allannguinermut, Kalaallit Nunaanni atuutilersitsinermut peqqussummut (pinerlunnikkut aningaasarsianik malunnarunnaarsaanermut inatsit) Namminersorlutik Oqartussat ilanngunnissaat pillugu Inatsisartunut aalajangiiffigisassatut siunnersuut (Aningaasaqarnermut Akileraartarnermullu Naalackersuisoq)**

Inuit Atqatigiinni Pingartipparput inatsisitigut nunallu tamalaat akornanni pinerlunniarnermi atorneqartut akornanni naapertuuttoqarnissaanik qulakkeerinninniarneg siunertaralugu Inatsisitigut akiuiniarnermi ersarissunik inatsiseqarnikkut suleqataanissarput.

Nunatsinni pinerlunnikkut aningaasarsianik malunnarunnaarsaanermut, qunusiarinninnikkullu pinerliiniartartunut pitsaaliuinermut nukittorsarneqassooq inatsip allanguutissaatut Naalackersuisut siunnersuutaannut siunertaqartoq akuerarput.

Inatsisip allanguutissaani pineqarput suliffeqarfinnik inunnillu eqqartuussissuserisuunatik kukkunerisiisuunatiluu, eqqartuussissuserisut kukkunerisiuisullu sullisinerisa assinganik suliaqartartunut nakkutilliinerit atuutilersinneqarnissaannut tunngassuteqartut. Tamatuma saniatigut nalunaarutiginnittussaataaneq taakkunungaluu isertuussanik kallerriisartut (whistleblower) pillugit aaqqissuussinermik piumasaqaatinut ilaallutik. Allannguutit aningaasalersuisarnermut immikkoortumi inatsisinik nutarterinermut atatillugu ilaatigut pippuut. Tamanna nunatsinni inatsisit nunallu tamalaat akornanni immikkoortumi nalinginnaasutut atorneqartut akornanni immikkoortunut tiguneqarsimasunut tunngatillugu Aningaasanik peqquserluutinik malunnarunnaarsaasarneq pinerliiniarnermillu aningaasalersuisarneq pinaveersimatinniarlugit iliuuserisassat pillugit Inatsisartut Siunnersuut aningaasanik peqquserluutinik malunnarunnaarsaasarneq pillugu inatsimmik nukittunerulersitsivoq.

Taamatut oqaaseqarluta Inuit Ataqatigiinnik Inatsimmi pineqartumi allanguutissatut siunnersuut akuersarparput.